

Aatsitassanut Ikummatissanullu Pisortaqarfik
Att.: Frederik Lyngge

Kalaallit Nunaata kangiata avannaani sajupillatsitsisarluni misissuilluni paasissutissanik katersinissamut ASN pillugu (misissueqqaarnissamut akuersissut 2009/28) NNPAN-imit tusarniaammut akissut

Nunamut Namminermet, Pinngortitamut Avatangiisinullu Naalackersuisoqarfiup (NNPAN) 2011-mi juunip arfineq pingajuanni Kalaallit Nunaata kangiata avannaani sajupillatsitsisarluni misissuilluni paasissutissanik katersinissamut (akuersissut 2009/28) GXT-p ASN-iata tusarniaassutigineqarnera tiguaa.

Sumiiffik qinnuteqarfigineqartoq KANUMAS-ip naliliiffiata kangianiippoq.

Misissuiffissatut qinnuteqarfigisap annertussusaa GXT-mit naatsorsorneqarsimavoq: sajupillatsitsisarluni misissuinermit aqutissat 12.610 km

Misissuinissaq piffissalerneqarsimavoq 2011-mi juulimit oktobari ilanngullugu.

Nalinginnaasumik

Sajupillatsitsisarluni misissuinissat sumiiffimmi miluumasunik imarmiunut taamak pingaartuteqartigisumiinnissaa NNPAN-imit ernumanartoqartinneqarpoq. NNPAN-ip kissaatigisorujussuuaa sajupillatsitsisarluni misissuinermit aqutissat pilersarusiorneqassasut sumiiffimmi uumasunut pisariaqanngitsumik ajoqusersuinerit pinaveersimatinniarlugit. Arfiviit qilalukkallu ingamik eqqarsaatigineqarput, taakku nipinut misikkarissuummata. Suliniutinit aatsitassanut tunngasunit sunilluunniit miluumasut imarmiut uumassusillillu allat pisariaqanngitsumik ajoqusersorneqannginnissaat NNPAN-imit pingaartinneqarpoq. Tassunga tunngatillugu NNPAN-imit piumasarineqarpoq, sajupillatsitsisarluni misissuinerit ingerlanneqarneranni avatangiisit pinngortitarlu pitsaalluinnartumik nakkutigineqassasut.

Avatangiisit

Atortut tiguneqarsimasut aallaavigalugit selskabip avatangiisinut tunngatillugu nalunaarusiorsimanagera NNPAN-imit killeqartutut isigineqarpoq. Tusarniaanermi atortuni nassiunneqartuni NNPAN-imit maqaasineqarput sukumiinerusumik nalunaarusiornerit, soorlu erngup maanngaannartitap qanoq iginneqarnissaanut eqqagassalerinermullu najoqqutassat silaannarmillu mingutsitsinermut malitassat pillugit.

Malitassat nakkutilliinerlu

Sajupillatsitsisarluni misissuinermit uumasunut sunniinikinnerpaanissaq qulakkeerniarlugu NERI-p aamma JNCC-p (Joint Nature Conservation Committee) najoqqutassiaat atorineqassammata NNPAN-mit nuannaarutigineqarpoq. Sajupillatsitsisarluni misissuinermit sallaatsumik aallartittarnissaq, misissuivinni miluumasunik imarmiunik nakkutiginnittussanik MMO-qarnissaa (miluumasunik imarmiunik nakkutilliisut) aamma uumasunik takunnittoqartillugu iliuusissanik erseqqarilluinnartunik najoqqutassaqarnissaa immikkut pingaaruteqarput.

Nunani tamalaani isumaqatigiissutit

NNPAN-ip erseqqissaatigissavaa MARPOL 73/78-imi malitassat selskabimit naammassineqassammata aamma avatangiisinut ajoqutaanngitsumik eqqagassat imerlu maanngaannartitaq isumagineqassammata. NNPAN-imit aamma naatsorsuutigineqarpoq imaani avatangiisit pillugit nunani tamalaani isumaqatigiissutit tamarmik malinneqassasut, soorlu aamma Imaani avatangiisit illersorneqarnissaat pillugu Inatsisartut peqqussutaat nr. 4, 3. november 1994-imeersoq malinneqarnissaa naatsorsuutigineqartoq.

Inussiarnersumik inuulluaqqusillunga

Uiloq Mulvad Jessen

Pinngortitamut Avatangiisinullu Immikkoortortaqarfik

Toqq 6708

irum@nanoq.gl